**Zeitschrift:** Nebelspalter : das Humor- und Satire-Magazin

**Band:** 78 (1952)

**Heft:** 51

Artikel: Der Fachausdruck

Autor: [s.n.]

**DOI:** https://doi.org/10.5169/seals-491913

## Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. Mehr erfahren

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. En savoir plus

#### Terms of use


The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. Find out more

**Download PDF: 24.11.2025** 

ETH-Bibliothek Zürich, E-Periodica, https://www.e-periodica.ch

## KABARETTISTEN IN DER KARIKATUR

Zeichnung von Benita Römer



## Alfred Rasser

#### CURIOSUM VITAE

Alfred Rasser begann seine künstlerische Laufbahn als 17jähriger in einer Meßbude in Basel. Ein Hypnotiseur strengte sich vergeblich an, ihn in Trance zu bringen. Erst auf die Aufforderung: «Machen Sie doch mit, das ist doch mein Brot I» stellte sich Rasser als williges Medium zur Verfügung, aber unter der Bedingung, er wolle in einen Professor verwandelt werden. So sah zum erstenmal ein größeres Publikum seine nachmalig berühmte Nummer «Professor Cekadete» die er im Freundeskreis bereils ausprobiert hafte. Rasser wurde dann ins «Cornichon» aufgenommen, gründete später seinen «Kaktus» und traf schließlich auf den braven Soldaten Schweik, aus dem er seinen Läppli machte. Und heute gelingt es ihm, mit seinem Einmann-Kabarett einen ganzen Saal zum Lachen zu bringen.

Gaudio

#### Der Fachausdruck

Letzten Sommer machte ich eine Velotour, und zwar nach alter Väter Sitte per (Velo nature), obwohl die meisten Söhne bereits hilfs- wenn nicht vollmotorisiert durch die Heimat knattern.

Durch leichten Regen erreichte ich nach dem langen Wallis Gletsch, ausgekühlt, hungrig, ein bifschen erschöpft. In einem sehr belebten Hotelrestaurant fand ich einen Stuhl, und als die Serviermamsell erschien, entspann sich folgender Dialog:

Ich: «Chamenen halbe Liter heißi Milch ha?» Sie: «Halbe Liter heißi Milch gits nid!» Ich: «Chamene Glas warmi Milch ha?» Sie: «Nei — Glas Milch gits nid!» Ich (erschöpft): «Chamene Tasse heißi Milch ha?» Sie: «Tasse heißi Milch gits nid!» Ich (wer weiß, wo solcher Einfallsreichtum noch vorhanden war): «Chamene Porzion heißi Milch ha??» Sie: «A Portion heißi Milch für dä Härr ...»

Darauf bekam ich ein Krüglein heiße Milch (ca. ein halber Liter), eine Tasse und zwei Würfelzucker (!), ich war so begeistert und ermutigt, daß ich dasselbe nach sorgfältigem Genuß (und da es draußen regnete) nochmals bestellte und nochmals bekam.



# Chueri und Rägel

«Mei Chueri, i der Schtadt hani en wunderbare Znüni gha!»

«So? Was denn? Es Gottlett oder es suurs Läberli?»

«Nei, e Wurscht, aber ganz e bsunderi.»

«Öppe e Sanggaller Wurscht, e Bratwurscht oder en Schüblig?»

«Nenei, öppis vil Feiners: En ussländischi Wurscht.»

«Jä, wie isch denn die gsii?»

«Erschtens bsunders dick und bsunders lang. Ich säge dir, sone großi Wurscht gits i der Schwiiz gar nid? Ich ha si fascht nid möge, bsunders, wil si sones fremdartigs Aroma gha hät, weischt, ganz anders als mirs gwöönt sind. Es hät großi Schpäckmöcke drin gha, wo scho chli gmeggelet händ, und s Fleisch isch welewäg blooß Chuefleisch gsi, mit zääche Fasere, womer zwüsched de Zääne hange blibe sind. Woni fertig gsi bi mit däre Risewurscht, hani fascht müesse go...»

«Tunderwätter, Rägel, worum häsch denn gseit, die Wurscht seig wunderhar?»

«Hä, wils en ussländischi gsy isch.» «Und worum häsch si denn fertig gässe?»

«Hä, wils en ussländischi gsy isch.» «Und worum häsch si überhaupt gchauft?»

«Hä, wils en ussländischi gsy isch.» «Jetz gimmer doch nid eebig di gliich Antwort!»

«Momoll, ich ha nämli kei anderi. Es gaat mer gliich, wie de Büecherchäufer, wo jedem frömde Bestseller naalaufed: Die wänd au hauptsächlich es dicks Euech, es großes Buech, es berüemts Buech, au wenns sündetüür isch, au wennene s Aroma ganz und gar frömd vorchunnt, wenn viles drin scho meggelet oder zääch isch: Es isch es ussländisches Buech, und damit isch es guet, baschta.»

«Und wenn ds nöchschtmal i d Schtadt gaasch, chaufsch wider sones ussländisch Ungetüm?»

«Nei, denn chauf ich es Paar Wienerli, oder e Schützewurscht oder en Serbila.»

«Denn bisch du gschiider weder di meischte Büecherchäufer, Rägel.»

«Das isch ebe der Underschied zwüschedere Wurscht und eme Buech, Chueri: E Wurscht chauft me für sich, gäge der Hunger und zur Gaumefreud. Es Buech chauft me, daß me sine Bekannte cha verzelle, daß mes au gläse heb, au wenns eim gar nid aamacht.»

AbisZ